



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-3-40-657-3/22**
Datum: **12.01.2023. godine**

«Agencija za vodno područje rijeke Save» Sarajevo rješavajući po službenom zahtjevu «Agencije za vodno područje rijeke Save» Sarajevo podnesenom putem „Sektora za upravljanje vodama” u predmetu izdavanja vodne dozvole za radove na sanaciji parapetnog zida uz rijeku Savu na potezu: Grebnice – Bazik, na osnovu člana 109. stav (1) tačka 8. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi

RJEŠENJE **o vodnoj dozvoli**

1. Investitoru «Agenciji za vodno područje rijeke Save» Sarajevo daje se vodna dozvola za korištenje i upravljanje saniranim parapetnim zidom uz rijeku Savu na potezu: Grebnice – Bazik, u dužini cca 1400m, a u postupku pribavljanja upotrebne dozvole.
2. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 15 (petnaest) godina od dana pravosnažnosti ovog rješenja.
3. Vodna dozvola se daje na osnovu činjeničnog stanja utvrđenog na licu mjesta i pregleda projektne i druge dokumentacije, pod slijedećim uslovima:
 - 3.1. Da se redovno vrši pregled izgrađenog objekta, provjerava njegovo stanje i zapisnički konstatuju eventualna oštećenja.
 - 3.2. Da se vrši redovno tekuće održavanje, uklanjanje izrasle vegetacije uz zid (košenje najmanje 2 puta godišnje) i ostala održavanja po ukazanoj potrebi, kako bi objekat bio u potpuno funkcionalnom stanju u skladu sa njegovom prirodom i namjenom.
 - 3.3. Da se održavanje, korištenje i osmatranje vodnog objekta vrši prema Općem aktu o održavanju, korištenju i osmatranju zaštitnih vodnih objekata na poplavnom području Srednja Posavina "Agencije za vodno područje rijeke Save" Sarajevo od augusta 2020. godine.
4. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
5. Prije isteka važnosti ove vodne dozvole, Investitor je dužan da podnese zahtjev za izdavanje nove vodne dozvole.

Obrazloženje

Investitor, «Agencija za vodno područje rijeke Save» Sarajevo putem „Sektora za upravljanje vodama” Agencije, je podnio zahtjev 15.12.2022. godine za izdavanje vodne dozvole za sanirani parapetni zid uz rijeku Savu na potezu: Grebnice – Bazik, na području Srednje Posavine, u dužini cca 1400 m, općina Domaljevac – Šamac, u postupku pribavljanja upotrebne dozvole.

Uz zahtjev je dostavljena i na raspolaganju bila sljedeća dokumentacija:

- Kopija aktuelnog Rješenja sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu;
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012. godine;
- Kopija rješenja o odobrenju za sanaciju parapetnog zida broj: UP-03-19-108/21 od 24.05.2021. godine, izdato od strane Službe za pravne poslove, urbanizam i katastar, Općine Domaljevac-Šamac;
- Kopija rješenja o vodnoj saglasnosti: UP-I/25-2-40-005-2/21 od 11.01.2021. godine;
- Zapisnik o tehničkom pregledu izvedenih radova od 14.11.2021. godine, općina Domaljevac-Šamac, Povjerenstvo za tehnički pregled;
- Opći akt o održavanju, korištenju i osmatranju zaštitnih vodnih objekata na poplavnom području Srednje Posavina "Agencije za vodno područje rijeke Save" Sarajevo, august 2020. godine (dostavljen naknadno na uvid iz biblioteke Agencije, ev.br. 2721/I-2).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je izvršen obilazak predmetnog objekta i tom prilikom je sačinjen zapisnik o uviđaju broj: UP-1/21-3-40-657-2/22 od 09.01.2022. godine.

U postupku izdavanja vodne dozvole utvrđeno je da su predmetni radovi izvedeni u skladu sa projektnom dokumentacijom koja je stavljena na uvid voditelju postupka prilikom vršenja uviđaja i ranije izdatim vodnim aktima (prethodna vodna saglasnost i vodna saglasnost).

Uvidom u dostavljeni zapisnik o tehničkom pregledu izvedenih radova utvrđeno je da isti sadrži primjedbe koje treba otkloniti a koje se odnose na saobraćajne znakove i odvodnju saobraćajnice. Navedeni nedostaci ne utiču na funkcionalnost zida u smislu zaštite predmetnog područja od velikih voda.

Na osnovu dostavljene dokumentacije i uviđaja izvršenog na predmetnoj lokaciji, u svrhu pravilnog korištenja i održavanja predmetnog zaštitnog objekta i njegove funkcionalne ispravnosti, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom održavanja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za sanirani parapetni zid uz rijeku Savu na potezu: Grebnice – Bazik, na području Srednje Posavine, u dužini cca 1400 m, općina Domaljevac – Šamac, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti posebna žalba Federalnom ministarstvu poljoprivrede, vodoprivrede i šumarstva Sarajevo u roku od 15 dana od dana prijema ovog rješenja.

Žalba se predaje Agenciji za vodno područje rijeke Save, neposredno pismeno, usmeno na zapisnik ili preporučeno putem pošte. Žalba se taksira sa 15 KM federalnih taksi po Tar. br. 3. tarife federalnih administrativnih taksi.

Voditelj postupka:

Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**



Harris Ališehović, dipl.inž.građ.

Dostaviti:

- «Agencija za vodno područje rijeke Save», Sektor 10;
- AVP Sava, ISV - vodna knjiga - ovdje;
- ☉ Arhiva - ovdje;
- AVP Sava - Oglasna ploča